

# Cytundeb Atodol ar gyfer Myfyrwyr TAR Tystysgrif Addysg i Raddedigion (Cymru)

## Cynnwys

Fformat amgen.....	2
Cwmpas .....	2
Cyflwyniad .....	3
Dogfennaeth Gysylltiedig .....	5
Prif delerau'r Cytundeb Atodol .....	5
1    Gofyniad i ddatgelu euogfarnau troseddol, cyfyngiadau cyfreithiol, amodau a materion disgyblu .....	5
2    Gweithdrefnau Cod Ymddygiad ac Addasrwydd i Ymarfer .....	6
3    Ymrwymiad i Addysgu.....	8
4    Ffioedd neu Gostau Astudio.....	10
5    Cytundeb ag Ysgol Bartner a Derfynir gan Y Brifysgol Agored .....	11
6    Canslo neu Dynnu eich Cofrestriad yn Ôl .....	11
7    Eich Astudiaethau .....	13
8    Newid Eich Cynlluniau Astudio (Gohirio eich astudiaethau neu Gymryd Seibiant Astudio) .....	14
9    Rhannu Gwybodaeth a Diogelu Data .....	15
10   Crynodeb o newidiadau pwysig ers y fersiwn ddiwethaf .....	16
Cytundebau Atodol a ddisodlir gan y ddogfen hon .....	17
Rhestr Termau .....	17
Eglurhad pellach .....	21
Y Brifysgol Agored yng Nghymru.....	21
I siaradwyr Cymraeg .....	21
Adborth.....	21
Atodiad A.....	22

Rhif y fersiwn: 1.0	Cymeradwywyd gan: Cynrychiolydd y Cyfarwyddwr,
Yn weithredol o: 1 Awst 2024	Dyddiad adolygu: Mawrth 2025

Corfforir Y Brifysgol Agored drwy Siarter Frenhinol (RC 000391), ac mae'n elusen eithriedig yng Nghymru a Lloegr ac yn elusen gofrestredig yn yr Alban (SC 038302). Caiff Y Brifysgol Agored ei hawdurdodi a'i rheoleiddio gan yr Awdurdod Ymddygiad Ariannol mewn perthynas â'i gweithgarwch eilaidd, sef broceru credyd.

## Fformat amgen y Cytundeb Atodol hwn

Os bydd angen y ddogfen hon arnoch mewn fformat arall, cysylltwch â'r Brifysgol Agored yng Nghymru drwy ffonio +44 (0)29 2047 1170 neu anfon e-bost at [wales-support@open.ac.uk](mailto:wales-support@open.ac.uk).

**An English language version of this Policy is available.**

**Mae fersiwn Saesneg o'r polisi hwn ar gael hefyd**

## Cwmpas

### Yr hyn y mae'r Cytundeb Atodol hwn yn ei gwmpasu

Mae'r Cytundeb Atodol hwn yn berthnasol i Fyfirwyr sydd wedi cael eu derbyn ar raglen Tystysgrif Addysg i Raddedigion (Cymru) Y Brifysgol. Mae'n nodi'r telerau ychwanegol mewn perthynas ag astudio cymhwyster TAR (Cymru) o dan y ddau lwybr sydd ar gael: y Llwybr Cyflogedig a'r Llwybr Rhan Amser.

Mae Myfirwyr sy'n astudio ar gyfer TAR (Cymru) ar y Llwybr Cyflogedig yn aelodau o staff cyflogedig mewn ysgol. Ariennir eu costau astudio'n llawn gan Lywodraeth Cymru drwy 'grant hyfforddi' a thelir cyflog athro heb gymhwysu gan ei sefydliad cyflogi. Byddant yn Fyfirwyr gyda'r Brifysgol Agored ac yn gyflogeion yn eu Hysgol Bartner sy'n Cymeradwyo. Bydd angen iddynt gofrestru â'r Corff Rheoleiddio (Cyngor y Gweithlu Addysg, CGA) fel gweithiwr Cymorth Dysgu mewn Ysgol cyn iddynt ddechrau eu rhaglen TAR, a bydd angen iddynt gydymffurfio â [Chod Ymddygiad ac Ymarfer Proffesiynol Cyngor y Gweithlu Addysg](#).

Bydd Myfirwyr cyflogedig yn ymgymryd â chyfnodau o ymarfer dysgu mewn ysgol, astudiaethau academiaidd a chyflogaeth ar yr un pryd. Caiff eu hymarfer dysgu ei asesu gan fentoriaid, cydlynwyr ysgol, a thiwtoriaid ymarfer; rhoddir mwy o wybodaeth am y rolau hyn yn y [Rhestr Termiau](#).

Bydd Myfirwyr sy'n astudio drwy'r Llwybr Rhan Amser wedi'u hunanariannu, a byddant yn ymgymryd â chyfnodau o ymarfer dysgu yn dibynnu ar eu hamgylchiadau a thrwy gytundeb â'u hysgolion partner. Yn yr un modd â Myfirwyr cyflogedig, caiff eu hymarfer dysgu ei asesu gan fentoriaid, cydlynwyr ysgol, a thiwtoriaid ymarfer.

Ar ôl ennill cymhwyster TAR (Cymru) yn llwyddiannus, bydd Y Brifysgol Agored yn argymhell i Gyngor y Gweithlu Addysg y dylid dyfarnu Statws Athro Cymwysedig (SAC).

Rhif y fersiwn: 1.0	Cymeradwywyd gan: Cynrychiolydd y Cyfarwyddwr,
Yn weithredol o: 1 Awst 2024	Dyddiad adolygu: Mawrth 2025

Gellir diweddarau'r Cytundeb Atodol hwn drwy gydol y flwyddyn er mwyn cywiro gwallau, gwella eglurder neu hygyrchedd, neu fyfyrion ar newidiadau i ofynion cyfreithiol neu reoliadol. Os bydd y diwygiadau hyn yn digwydd ar ôl i chi gofrestru, byddwch yn cael gwybod am unrhyw newidiadau sylweddol.

## Yr hyn nad yw'r Cytundeb Atodol hwn yn ei gwmpasu

**Nid** yw'r Cytundeb Atodol hwn yn berthnasol i'r canlynol:

- Myfyrwyr nad ydynt wedi cael eu derbyn ar raglen TAR (Cymru) Y Brifysgol Agored eto.
- Mae pob modiwl, cymhwyster neu raglen arall y tu allan i raglen TAR.

Dylai pob Myfyriwr a Dysgwr nad yw'r Cytundeb Atodol hwn yn ei gwmpasu gyfeirio at [wefan Polisiâu a Rheoliadau Myfyrwyr](#) er mwyn gweld yr Amodau Cofrestru neu'r Telerau ac Amodau sy'n berthnasol iddynt. Os oes angen help amoch, cysylltwch â ni drwy anfon e-bost at [general-enquiries@open.ac.uk](mailto:general-enquiries@open.ac.uk)

## Cyflwyniad

Mae'r ddogfen hon yn nodi'r telerau ychwanegol y cytunwyd arnynt â'r Brifysgol Agored mewn perthynas ag astudio ar gyfer cymhwyster TAR (Cymru). Dylid ei darllen ar y cyd â'r ddogfen [Amodau Cofrestru](#) a'r rheolau, y rheoliadau a'r polisiâu y cyfeirir atynt ynnddi ac yn y cytundeb hwn.

Drwy gofrestru ar gyfer rhaglen TAR (Cymru), rydych yn cytuno i'r telerau a nodir yn yr [Amodau Cofrestru](#) (heblaw am yr eithriadau a restrir yn Nhabl 1 isod) ynghyd â'r rhai hynny a restrir yn y ddogfen hon. Mae [Rhestr Termau](#) wedi'i chynnwys i esbonio unrhyw dermau a all fod yn anghyfarwydd i chi.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr,
Yn weithredol o: 1 Awst 2024	Dyddiad adolygu: Mawrth 2025

**Tabl 1: Eithriadau i'r Amodau Cofrestru ar gyfer Llwybrau TAR**

<b>Adran Amodau Cofrestru 2024/25</b>	<b>Eithriadau ar gyfer TAR Y Llwybr Cyflogedig a'r Llwybr Rhan Amser</b>
Adran A: Eich cytundeb i gofrestru	Nid yw A1.c) y polisi "Derbyn Ymgeiswyr dan 18 Oed" yn berthnasol gan na fydd y rhaglen yn derbyn neb dan 18 oed.  Mae A2 Gofyniad i ddatgelu euogfarnau troseddol, cyfyngiadau ac amodau cyfreithiol wedi'i ddisodli gan Adran 1.1 yn y Cytundeb TAR Atodol hwn
Adran B: Eich ffioedd	Mae Adran B Eich Ffioedd wedi'i disodli gan Adran 4 yn y Cytundeb TAR Atodol hwn
Adran E: Canslo neu Dynnu eich Cofrestriad yn Ôl	Mae E1 Sut i ganslo neu dynnu eich cofrestriad yn ôl wedi'i ddisodli gan Adran 6 yn y Cytundeb TAR Atodol hwn

Mae'r Cytundeb hwn yn weithredol o'r dyddiad y gwnaethoch gofrestru ar gyfer eich TAR a bydd yn parhau i fod yn berthnasol nes y byddwch wedi cwblhau eich cymhwyster, neu nes y bydd eich cofrestriad wedi dod i ben neu wedi'i ganslo, pa un bynnag fydd yn digwydd gyntaf.

Dim ond drwy Dîm Recriwtio a Chymorth Myfyrwyr Y Brifysgol Agored yng Nghymru y gall Myfyrwyr gofrestru ar gyfer TAR (Cymru).

I gael canllawiau penodol ar sut y gall y cytundeb hwn fod yn berthnasol i'ch amgylchiadau personol chi, cysylltwch â thîm TAR yn [Wales-PGCE@open.ac.uk](mailto:Wales-PGCE@open.ac.uk).

Rhif y fersiwn: 1.0	Cymeradwywyd gan: Cynrychiolydd y Cyfarwyddwr,
Yn weithredol o: 1 Awst 2024	Dyddiad adolygu: Mawrth 2025

# Dogfennaeth Gysylltiedig

Cyfeiriwch at y ddogfennaeth ganlynol ar y cyd â'r ddogfen hon:

## Dogfennau sy'n llywodraethu eich astudiaethau:

- [Amodau Cofrestru](#)
- [Gweithdrefn Addasrwydd i Ymarfer](#)
- [Addasrwydd i Astudio](#)
- [Rheoliadau sy'n benodol i raglen TAR](#)

## Rhannu gwybodaeth a Diogelu Data:

- [Hysbysiad Preifatrwydd i Fyfirwyr](#)

# Prif delerau'r Cytundeb Atodol

## 1 Gofyniad i ddatgelu euogfarnau troseddol, cyfyngiadau cyfreithiol, amodau a materion disgyblu

- 1.1 Mae'n rhaid i chi ddatgelu unrhyw euogfarn droseddol cyn cofrestru neu ar unrhyw bwynt y byddwch yn dod yn destun euogfarn droseddol yn ystod eich astudiaethau. Mae'n debygol iawn y bydd unrhyw euogfarn droseddol yn eich atal rhag astudio TAR (Cymru) gyda'r Brifysgol Agored, ond caiff pob achos ei ystyried yn unigol.
- 1.2 Mae'n rhaid i bob Myfyriwr feddu ar dystysgrif clirio y Cynllun Datgelu a Gwahardd cyn y gallant gael profiad o addysgu mewn ysgol. Mae'n rhaid i fyfirwyr sy'n ddarostyngedig i orchymyn, cyfyngiad neu drefniant a osodwyd gan lys neu gorff awdurdodedig ar hyn o bryd neu a ddaw'n ddarostyngedig iddynt, roi gwybod i Gyfarwyddwr y Rhaglen TAR yng Nghymru neu ei gynrychiolydd am unrhyw amodau a all eu hatal rhag cymryd rhan lawn yn eu cwrs a chymuned ehangach y Brifysgol yn ddi-oed. O dan amgylchiadau o'r fath, efallai y bydd yn rhaid i chi roi'r gorau i astudio cymhwyster TAR (Cymru) oherwydd eich bod yn torri'r Cod Ymddygiad ac Ymarfer (gweler adran 2 isod). Mae'r datgeliad hwn yn ein helpu i gyflawni ein rhwymedigaeth diogelu ac yn cynnwys y rhai hynny sydd wedi'u Cofrestru fel Troseddwyr Rhyw ac sy'n destun Gorchmynion Atal Niwed Rhywiol.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr,
Yn weithredol o: 1 Awst 2024	Dyddiad adolygu: Mawrth 2025

- 1.3 Mae'n rhaid i chi ddatgelu canlyniad unrhyw weithdrefn ddisgyblu rydych wedi bod yn destun iddi, sy'n groes i [God Ymddygiad ac Ymarfer Proffesiynol Cyngor y Gweithlu Addysg](#). Mae'n rhaid i chi ddatgelu'r wybodaeth hon yn ystod y broses ymgeisio neu ar unrhyw bwynt y byddwch yn dod yn destun gweithdrefn ddisgyblu yn ystod eich astudiaethau. Gall methu â gwneud hyn arwain at ohirio'ch cais neu derfynu eich astudiaethau. Bydd Cyfarwyddwr y Rhaglen TAR yng Nghymru yn asesu canlyniad y weithdrefn ddisgyblu ac yn penderfynu a yw hyn yn gwarantu tynnu eich cais yn ôl neu derfynu eich astudiaethau.

---

## 2 Gweithdrefnau Cod Ymddygiad ac Addasrwydd i Ymarfer

- 2.1 Drwy ymrwymo i'r Cytundeb Atodol hwn, rydych yn cydnabod yn agored eich bod yn deall y Cod Ymddygiad ac Ymarfer diwygiedig (yn weithredol o 1 Medi 2022) a bennwyd gan yr Awdurdod Rheoleiddio, Cyngor y Gweithlu Addysg (CGA): [Cod Ymddygiad ac Ymarfer Proffesiynol Cyngor y Gweithlu Addysg](#), ac yn cytuno i ymrwymo iddo.

Bydd hefyd angen i fyfyrwyr cyflogedig [gofrestru'n ffurfiol â Chyngor y Gweithlu Addysg](#) fel Gweithiwr Cymorth Dysgu'r Ysgol.

Mae hyn yn golygu:

- a) Os mynegir pryder nad ydych yn cyflawni neu'n cynnal disgwyliadau'r Cod ar lefel sy'n briodol ar gyfer cam eich astudiaethau ar gyfer cymhwyster TAR (Cymru), ac nad yw dulliau cymorth eraill wedi bod yn ddigonol, efallai y cewch eich cyfeirio o dan [Weithdrefn Addasrwydd i Ymarfer](#) Y Brifysgol Agored.

Gall hyn arwain at y canlynol:

- gosod amodau fel eich bod yn gallu parhau i astudio ar gyfer TAR;
  - eich atal rhag astudio ar gyfer TAR;
  - terfynu cofrestrriad ar gyfer TAR;
  - peidio â dyfarnu TAR.
- b) Rydych yn cytuno i roi gwybod i Gyfarwyddwr y Rhaglen TAR yng Nghymru neu ei gynrychiolydd ([Wales-PGCE@open.ac.uk](mailto:Wales-PGCE@open.ac.uk)) cyn gynted â phosibl am

Rhif y fersiwn: 1.0	Cymeradwywyd gan: Cynrychiolydd y Cyfarwyddwr,
Yn weithredol o: 1 Awst 2024	Dyddiad adolygu: Mawrth 2025

unrhyw fater a all beri pryder ynglŷn â'ch gallu i gydymffurfio â Chod Ymddygiad ac Ymarfer yr Awdurdod Rheoleiddio.

- 2.2 Er y gellir bod wedi dyfarnu credyd modiwl i chi sy'n bodloni gofynion academaidd ac ymarfer dysgu TAR (Cymru), gall Y Brifysgol Agored benderfynu peidio â dyfarnu'r cymhwyster ar sail argymhelliad Panel Addaswydd i Ymarfer os bydd yn penderfynu nad ydych wedi cyrraedd y safonau gofynnol yng Nghod Ymddygiad ac Ymarfer Cyngor y Gweithlu Addysg o ganlyniad i faterion a ddigwyddodd cyn i'r cymhwyster gael ei ddyfarnu.
- 2.3 Os bydd cymhwyster TAR wedi'i ddyfarnu a daw unrhyw faterion a ddigwyddodd cyn i'r cymhwyster gael ei ddyfarnu i'r amlwg wedi hynny a ddylai, ym marn Panel Addaswydd i Ymarfer, fod wedi cael eu datgan ac a fyddai wedi arwain at beidio â dyfarnu cymhwyster TAR (Cymru), caiff y mater ei gyfeirio at Bwyllgor Disgyblu Canolog Y Brifysgol Agored. Mae gan y Pwyllgor Disgyblu Canolog y pŵer i dynnu cymhwyster TAR (Cymru) yn ôl.
- 2.4 Os na chaiff cymhwyster TAR (Cymru) ei ddyfarnu, ni fyddwch yn gymwys i gofrestru i ymarfer fel athro. Os byddwch wedi llwyddo i gwblhau modiwl(au), mae'n bosibl y gall y credyd gyfrif tuag at gymwysterau eraill Y Brifysgol Agored y byddwch yn cofrestru ar eu cyfer sydd y tu allan i Raglen TAR, ar yr amod nad oes gennych unrhyw gyfyngiadau disgyblu eraill.
- 2.5 Byddwch yn ymwybodol na fydd cael cynnig lle ar y cymhwyster gan Y Brifysgol Agored na chwblhau'r cymhwyster yn llwyddiannus yn sicrhau y cewch eich cynnwys ar y [Gofrestr Ymarferwyr Addysg yng Nghymru](#). Mae Cyngor y Gweithlu Addysg yn cadw'r hawl i benderfynu a gewch ymuno â'r gofrestr broffesiynol ar y pwynt cofrestru. Cyfeiriwch at [ganllawiau Cyngor y Gweithlu Addysg](#) am y wybodaeth ddiweddaraf mewn perthynas â'r gofynion ar gyfer y Gofrestr Ymarferwyr Addysg yng Nghymru.
- 2.6 Mae'n rhaid i chi gydymffurfio â'r [Polisi Urddas a Pharch](#) wrth ryngweithio â staff mewnol Y Brifysgol Agored a staff allanol (h.y. y rheini yn yr ysgol bartner). Mae hyn yn cynnwys rhyngweithio wyneb yn wyneb a rhithwir drwy ein fforwmiau. Bydd methu â chadw at hyn yn arwain at y canlynol:
- gohirio'r defnydd o elfennau rhyngweithiol TAR (e.e., gohirio'r defnydd o'r fforwm);
  - gosod amodau fel eich bod yn gallu parhau i astudio ar gyfer TAR;

Rhif y fersiwn: 1.0	Cymeradwywyd gan: Cynrychiolydd y Cyfarwyddwr,
Yn weithredol o: 1 Awst 2024	Dyddiad adolygu: Mawrth 2025

- eich atal rhag astudio ar gyfer TAR;
- terfynu cofrestriad ar gyfer TAR;
- peidio â dyfarnu TAR.

---

### 3 Ymrwymiad i Addysgu

3.1 Pan fyddwch yn cofrestru ar gyfer cymhwyster TAR (Cymru) gyda'r Brifysgol Agored, rydych yn cytuno i wneud y canlynol:

- a) Cydweithredu ag unrhyw Arweinydd neu Ysgol Bartner lle rydych yn ymgymryd ag ymarfer dysgu. Bydd yn darparu cyfnodau priodol a digonol o ymarfer dysgu i'ch galluogi i gyflawni deilliannau dysgu cymhwyster TAR (Cymru) a bodloni gofynion Cyngor y Gweithlu Addysg, sy'n cynnwys 120 diwrnod (ysgol lawn) o ymarfer addysgu.
- b) Cydweithredu ag unrhyw Arweinydd neu Ysgol Bartner lle rydych yn ymgymryd ag ymarfer dysgu i fodloni unrhyw ofynion rhesymol i gynnal enw da'r ysgolion, Llywodraeth Cymru, a'r Brifysgol Agored, a chydymffurfio â'u rhwymedigaethau cyfreithiol ac ariannol a'u safonau gwasanaeth mewn cysylltiad â'ch cyfranogiad yn y cyfleoedd ymarfer dysgu a gynigir.
- c) Cydymffurfio â'r strwythur rhaglen cywir ar gyfer y llwybr rydych yn cofrestru ar ei gyfer; Ni all unrhyw fyfyrwr sydd wedi'u cofrestru ar gyfer rhaglen rhan amser ddefnyddio strwythur Llwybr Cyflogedig i gyflawni'r rhaglen.
- d) Yn achos Myfyrwyr cyflogedig, cydymffurfio â pholisïau ac arferion cyflogaeth eu Hysgol Bartner sy'n Cymeradwyo a'u Hysgol Bartner.
- e) Yn achos Myfyrwyr cyflogedig, yn unol â [Chymal 5.2](#), sicrhau eich bod chi a'ch ysgol yn cydymffurfio â gofynion y rhaglen.
- f) Cymryd pob cam rhesymol i ymgymryd ag unrhyw gyfleoedd ymarfer dysgu sydd eu hangen er mwyn cwblhau cymhwyster TAR (Cymru). Gall hyn gynnwys lefelau teithio rhesymol a all amrywio yn dibynnu ar leoliad daearyddol ac iaith yr astudiaeth (Cymraeg neu Saesneg) y dymunwch ymgymryd â'r rhaglen drwyddi.
- g) Sicrhau eich bod yn mynd i bob sesiwn dysgu ymarferol a seminar ar-lein oni fydd amgylchiadau eithriadol.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr,
Yn weithredol o: 1 Awst 2024	Dyddiad adolygu: Mawrth 2025



Yn achos Myfyrwyr cyflogedig, dylech hefyd sicrhau y caiff unrhyw amser astudio dynodedig ei ddefnyddio ar gyfer ei bwrpas dynodedig.

- 3.2 Bydd Ysgolion Partner yn gofyn i chi gydweithredu â'ch tiwtor ymarfer, cydlynnydd ysgol a mentor, a fydd yn gwneud y canlynol:
- a) cynnal arsylwadau a goruchwylio ymarfer, gan gynnig adborth i chi drwy gydol y cyfnodau ymarfer dysgu. Bydd yr arsylwadau hyn yn cynnwys dulliau rhithwir, gan gynnwys y defnydd o feddalwedd recordio. Mae disgwyl i fyfyrwyr ddefnyddio'r dulliau hynny. Os oes gennych unrhyw gwestiynau neu os hoffech drafod hyn ymhellach, cysylltwch â thîm TAR Cymru yn [Wales-PGCE@open.ac.uk](mailto:Wales-PGCE@open.ac.uk).
  - b) Cyflawni unrhyw gyfrifoldebau asesu sy'n ofynnol gan gymhwyster TAR (Cymru);
  - c) cymryd rhan mewn cyfarfodydd cynllunio, monitro ac adolygu gyda chi a gyda'i gilydd yn ôl yr angen.
- 3.3 Os byddwch yn torri'r Cymalau a nodir ym Mharagraffau 3.1 a 3.2 ac nad yw, ym mam eich mentor a Chyfarwyddwr y Rhaglen TAR yng Nghymru neu ei gynrychiolydd, yn rhesymol bosibl i chi gwblhau ymrwymiad addysgu, yna ni fydd yn ofynnol i'ch Ysgol Bartner sy'n Cymeradwyo neu'ch Ysgol Bartner na'r Brifysgol Agored gynnig cyfle arall i chi fodloni'r gofynion ymarfer dysgu ar gyfer y modiwl hwnnw. Os na fyddwch yn cyrraedd y [Safonau Proffesiynol ar gyfer Addysgu ac Arweinyddiaeth](#) a'ch bod yn methu eich profiad addysgu (a'r cyfleoedd ailsefyll), mae'n bosibl y caiff eich astudiaethau eu hatal yn unol â'r [Amodau Cofrestru](#) (Adran E2 "Hawl Y Brifysgol Agored i ganslo eich cofrestriad neu ymrestriad").
- 3.4 Os bydd anawsterau'n codi yn ystod profiad ymarfer dysgu sydd y tu hwnt i'ch rheolaeth ac sy'n tarfu ar eich dysgu, bydd Y Brifysgol Agored yn rheoli hyn ar y cyd ag ysgol eich lleoliad. Gall hyn gynnwys cynnig lleoliad amgen i chi.
- 3.5 Os na fydd ysgol y lleoliad yn rhoi digon o amser i chi gwblhau'r profiadau ymarfer dysgu gofynnol, bydd Y Brifysgol Agored yn trafod hyn â'r ysgol ac, os bydd angen, yn ceisio ymestyn eich cyfnod astudio er mwyn galluogi ysgol y lleoliad i gynnig digon o gyfleoedd ymarfer dysgu.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr,
Yn weithredol o: 1 Awst 2024	Dyddiad adolygu: Mawrth 2025

---

## 4 Ffioedd neu Gostau Astudio

- 4.1 O dan y Llwybr Cyflogedig, ni fydd disgwyl i fyfyrwyr wneud cyfraniad uniongyrchol tuag at gostau eu hastudiaeth. Caiff Myfyrwyr cyflogedig eu talu (cyflogi) gan ysgol a ariennir gan y wladwriaeth yng Nghymru (Ysgol Bartner sy'n Cymeradwyo) i weithio fel athro heb gymhwyso tra byddant yn astudio ar gyfer eu cymhwyster TAR. Mae hyn ar bwynt 1 o leiaf o'r raddfa gyflog i athrawon heb gymhwyso, a hynny ar sail llawn amser. Caiff ffioedd Myfyrwyr ar y llwybr hwn eu hariannu gan grant hyfforddiant gan Lywodraeth Cymru a chânt eu talu'n uniongyrchol i'r Brifysgol Agored drwy gydol y cymhwyster.
- 4.2 O dan y Llwybr Rhan Amser, bydd Myfyrwyr wedi'u hunanariannu. Byddant yn atebol am eu ffioedd eu hunain fel y nodir ar dudalen we [Ffioedd a Chyllid TAR yng Nghymru](#).
- 4.3 Os bydd Myfyrwyr cyflogedig yn torri telerau'r Cytundeb Atodol hwn neu'n methu â chydymffurfio â'r prif [Amodau Cofrestru](#), neu os byddant yn canslo neu'n tynnu'n ôl o'u hastudiaethau, bydd Llywodraeth Cymru yn rhoi'r gorau i dalu costau eu hastudiaeth ar unwaith.
- 4.4 Os bydd Myfyrwyr rhan amser yn torri telerau'r Cytundeb Atodol hwn neu'n methu â chydymffurfio â'r prif [Amodau Cofrestru](#), ni chaiff unrhyw ffioedd a dalwyd i'r Brifysgol Agored eu had-dalu a gellir atal unrhyw Gredydau Ffioedd neu drefniadau i Hepgor Ffioedd.
- 4.5 Os bydd Myfyrwyr rhan amser yn canslo neu'n tynnu'n ôl o'u hastudiaethau, caiff unrhyw ad-daliadau eu gwneud yn unol â [Rheolau Ffioedd \(Myfyrwyr Israddedig\)](#) (Adran H: "Lefelau Atebolrwydd i Dalu Ffioedd, Ad-dalu Ffioedd a/neu Gredydau Ffioedd") (noder, er mai cymhwyster i raddedigion yw'r cymhwyster TAR, mae wedi'i ddylunio fel cymhwyster i fyfyrwyr israddedig at ddibenion ariannu).
- 4.6 Yn achos Myfyrwyr cyflogedig, os byddwch wedi rhoi gwybodaeth gamarweiniol, anghywir neu dwyllodrus am eich amgylchiadau, mae'n bosibl y byddwch yn atebol yn bersonol i dalu rhywfaint o'ch costau astudio neu'r costau cyfan ac yn cael eich dadgofrestru.
- 4.7 Os byddwch, ar ôl trafod â'r Brifysgol Agored, eich Ysgol Bartner sy'n Cymeradwyo a'ch ail ysgol, yn penderfynu tynnu'n ôl o'r Llwybr Cyflogedig, mae'n bosibl y byddwch yn gymwys i wneud cais i astudio cymhwyster TAR Y Brifysgol Agored

Rhif y fersiwn: 1.0	Cymeradwywyd gan: Cynrychiolydd y Cyfarwyddwr,
Yn weithredol o: 1 Awst 2024	Dyddiad adolygu: Mawrth 2025

drwy'r Llwybr Rhan amser. Am ragor o wybodaeth, cysylltwch â Thîm TAR yn [Wales-PGCE@open.ac.uk](mailto:Wales-PGCE@open.ac.uk).

---

## 5 Cytundeb ag Ysgol Bartner a Derfynir gan Y Brifysgol Agored

- 5.1 Os caiff cytundeb cydweithredu'r Brifysgol Agored â'ch Ysgol Bartner ei derfynu, byddwn yn cymryd camau rhesymol i'ch galluogi i orffen y rhaglen, gan gynnwys cwblhau pob modiwl angenrheidiol a chyflawni'r holl brofiadau ymarfer dysgu angenrheidiol.
- 5.2 Yn achos Myfyrwyr cyflogedig, os gwelir bod eich Ysgol Bartner sy'n Cymeradwyo yn torri telerau'r rhaglen mewn perthynas â'r cyflog a delir i chi, y pwnc (ar gyfer ysgolion uwchradd) sy'n destun ffocws eich ymarfer dysgu, neu faterion eraill o ran eich amserlen, yna mae'r Brifysgol Agored yn cadw'r hawl i derfynu'r cytundeb hwnnw a'ch tynnu'n ôl o'r rhaglen.
- 5.3 Ceir rhagor o fanylion ar Derfynu Cytundeb ag Ysgol Bartner o dan y pennawd 'Dad-ddethol Ysgolion o'r Bartneriaeth' yn nogfen [Polisi Meini Prawf a Dad-ddethol Partneriaeth Addysg Gychwynnol i Athrawon Y Brifysgol Agored](#). Mae fersiwn Saesneg o'r [Polisi Meini Prawf a Dad-ddethol](#) ar gael hefyd.
- 

## 6 Canslo neu Dynnu eich Cofrestriad yn Ôl

- 6.1 Gallwch arfer eich hawl o dan Reoliadau Contractau Defnyddwyr (Gwybodaeth, Canslo a Chostau Ychwanegol) (2013) i ganslo eich cofrestriad heb gosb hyd at 14 diwrnod calendr ar ôl dyddiad cadarnhau eich cofrestriad, ni waeth sut y telir eich ffioedd.
- 6.2 Gall Y Brifysgol Agored ganslo neu dynnu eich cofrestriad yn ôl o dan yr amgylchiadau a nodir yn yr [Amodau Cofrestru](#) (Adran E: "Canslo neu Dynnu eich Cofrestriad yn Ôl"). Gallwn hefyd ganslo eich cofrestriad os na fyddwch yn gwneud y canlynol:
- Ymgymryd â chyfnodau ymarfer dysgu gydag ysgol bartner.
  - Cynnal amodau'r rhaglen, fel cyflogaeth gan Ysgol Bartner sy'n Cymeradwyo neu fethiant i gynnal y safonau proffesiynol a ddisgwyllir gan unrhyw Ysgol Bartner.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr,
Yn weithredol o: 1 Awst 2024	Dyddiad adolygu: Mawrth 2025

- c) Cynnal safonau'r Awdurdod Rheoleiddio o ran eich iechyd, eich cymhwysedd a'ch safonau ymddygiad.
- 6.3 Yn achos Myfyrwyr cyflogedig, os caiff eich cyflogaeth ei therfynu gan eich Ysgol Bartner sy'n Cymeradwyo am eich bod yn torri telerau eich contract cyflogaeth â hi, ni allwch barhau ar Llwybr Cyflogedig y cymhwyster hwn. Efallai y gallwch wneud cais i symud i'r Llwybr Rhan Amser, yn dibynnu ar eich amgylchiadau. I drafod eich opsiynau, cysylltwch â thîm TAR yn [Wales-PGCE@open.ac.uk](mailto:Wales-PGCE@open.ac.uk).
- 6.4 Yn achos Myfyrwyr rhan amser, os na fydd eich Ysgol Bartner am i chi barhau â'ch lleoliad mwyach, neu os bydd unrhyw faterion eraill yn codi, byddwn yn gweithio gyda'r ysgol o dan ein Fframwaith Datrys Materion. Os na fydd modd datrys y materion, mae'n bosibl y cynigir lleoliadau amgen i chi, yn dibynnu ar yr amgylchiadau.
- 6.5 Os byddwch yn penderfynu canslo eich cofrestriad ar gyfer cymhwyster TAR **cyn** dechrau astudio, bydd yn rhaid i chi drafod hyn â'r Brifysgol Agored yn gyntaf er mwyn deall unrhyw oblygiadau. Yn achos Myfyrwyr cyflogedig, rhaid i chi hefyd drafod hyn gyda'ch Ysgol Bartner sy'n Cymeradwyo oherwydd gall hyn effeithio ar eich Telerau Cyflogaeth (a all gynnwys colli eich cyflogaeth). Caiff y penderfyniad hwn ei wneud gan eich Ysgol Bartner sy'n Cymeradwyo.
- 6.6 Os byddwch am dynnu eich cofrestriad ar eich rhaglen TAR yn ôl **ar ôl** i chi ddechrau astudio, bydd yn rhaid i chi drafod hyn â'r Brifysgol Agored a'ch Ysgol Bartner yn gyntaf. Ar ôl i chi gadarnhau eich penderfyniad, bydd yn rhaid i chi wneud datganiad clir drwy ysgrifennu llythyr neu e-bost at Gyfarwyddwr y Rhaglen TAR yng Nghymru neu ei gynrychiolydd drwy [Wales-PGCE@open.ac.uk](mailto:Wales-PGCE@open.ac.uk), gan nodi eich penderfyniad yn ysgrifenedig. Os byddwch yn tynnu eich cofrestriad yn ôl, ni fyddwch yn gallu aildechrau eich astudiaethau ac ni fyddwch yn fyfyrwr gyda'r Brifysgol Agored mwyach. Caiff y rheolau o ran atebolrwydd i dalu ffioedd eu pennu yn ôl llwybr y cymhwyster TAR rydych yn ei ddilyn:
- i) Bydd y rheolau safonol o ran ffioedd y Brifysgol yn berthnasol i Fyfirwyr ar y Llwybr Rhan Amser ([Rheolau Ffioedd \(Myfyrwyr Israddedig\)](#)) (noder, er mai cymhwyster i raddedigion yw'r cymhwyster TAR, mae wedi'i ddylunio fel cymhwyster i fyfirwyr israddedig at ddibenion ariannu);
  - ii) Ni fydd Myfyrwyr ar y Llwybr Rhan Amser yn gymwys i gael unrhyw Ad-daliadau na Chredydau Ffioedd ar gyfer ffioedd a dalwyd ar yr adeg honno o'r rhaglen. Yn achos Myfyrwyr cyflogedig, gall hyn effeithio ar eich Telerau

Rhif y fersiwn: 1.0	Cymeradwywyd gan: Cynrychiolydd y Cyfarwyddwr,
Yn weithredol o: 1 Awst 2024	Dyddiad adolygu: Mawrth 2025

Cyflogaeth gyda'ch Ysgol Bartner sy'n Cymeradwyo, a all gynnwys colli eich cyflogaeth. Caiff y penderfyniad hwn ei wneud gan eich Ysgol Bartner sy'n Cymeradwyo.

- 6.7 Os byddwch wedi cwblhau unrhyw fodiwl(au) yn llwyddiannus ar adeg tynnu eich astudiaethau yn ôl, efallai y gallwch, yn amodol ar y [Rheoliadau Academaidd \(Cyrsgiau a Addysgir\)](#), gyfrif y modiwlau hyn tuag at un o gymhwysterau eraill Y Brifysgol Agored y byddwch yn cofrestru ar ei gyfer y tu allan i Raglen TAR.

---

## 7 Eich Astudiaethau

- 7.1 Os byddwch yn absennol yn fynych neu am gyfnod estynedig o unrhyw ran o'r cymhwyster TAR, mae'n bosibl y gall hyn achosi pryder a/neu sbarduno'r [Fframwaith Cymorth Myfyrwyr](#). Rhaid rhoi gwybod am unrhyw absenoldebau yn unol â phrosesau hysbysu am absenoldeb y rhaglen.
- 7.2 Fel arfer, dylech gwblhau eich cymhwyster TAR o fewn 24 mis i ddyddiad dechrau'r modiwl cyntaf. Gweler [Adran 8](#) os credwch na fydd hyn yn bosibl.
- 7.3 Er mwyn bod yn gymwys ar gyfer dyfarniad TAR (Cymru), mae'n rhaid eich bod, ym marn Y Brifysgol Agored, yn bodloni gofynion academaidd Y Brifysgol Agored (a amlinellir yn y Rheoliadau Cymhwyster sy'n benodol i'r TAR), a gofynion y [Safonau Proffesiynol ar gyfer Addysgu ac Arweinyddiaeth](#) ar gyfer pob modiwl, yn llwyddiannus. Mae hyn yn cynnwys cwblhau'r nifer statudol o ddiwrnodau ymarfer dysgu.
- 7.4 Os byddwch yn methu modiwl (gan gynnwys methu unrhyw arholiad ailsefyll neu ailgyflwyniad lle y bo'n berthnasol), bydd angen i chi adael y cymhwyster TAR. Os byddwch wedi dechrau astudio'r modiwl nesaf wrth i chi aros am ganlyniadau a'ch bod wedi methu, ni fyddwch yn gallu cwblhau'r modiwl hwnnw a bydd y ffi ar gyfer y modiwl hwnnw'n cael ei had-dalu.
- 7.5 Os byddwch yn gadael neu os na fyddwch yn gymwys ar gyfer llwybr cyflogedig y cymhwyster TAR mwyach, gall hyn effeithio ar eich Telerau Cyflogaeth gyda'ch Ysgol Bartner sy'n Cymeradwyo, a all gynnwys colli eich cyflogaeth. Caiff y penderfyniad hwn ei wneud gan eich Ysgol Bartner sy'n Cymeradwyo.
- 7.6 Mae'n rhaid i chi lwyddo ym mhob modiwl er mwyn ennill y cymhwyster TAR. Os na fyddwch yn llwyddo yn yr Asesiad Diwedd Modiwl (EMA) cyntaf (sy'n cynnwys asesiad academaidd a gwerthusiad ymarfer dysgu), **efallai** y cewch eich gwahodd

Rhif y fersiwn: 1.0	Cymeradwywyd gan: Cynrychiolydd y Cyfarwyddwr,
Yn weithredol o: 1 Awst 2024	Dyddiad adolygu: Mawrth 2025

i'w ailgyflwyno y tro nesaf, yn dibynnu ar eich canlyniadau. Os na chynigir cyfle i chi ailgyflwyno'r EMA ar gyfer modiwl Blwyddyn 1, neu os na fyddwch yn llwyddo yn y modiwl ar ôl i chi ei ailgyflwyno, byddwn yn eich tynnu oddi ar gofrestr y cymhwyster. Os na fyddwch yn llwyddo ym modiwl Blwyddyn 2, ni fydd y cymhwyster TAR yn cael ei ddyfarnu i chi. Os oes gennych unrhyw gwestiynau neu os hoffech drafod unrhyw beth, cysylltwch â thîm TAR yn [Wales-PGCE@open.ac.uk](mailto:Wales-PGCE@open.ac.uk).

## 8 Newid Eich Cynlluniau Astudio (Gohirio eich astudiaethau neu Gymryd Seibiant Astudio)

- 8.1 Ni allwch oedi na gohirio eich astudiaethau ran o'r ffordd drwyddynt oni fydd amgylchiadau eithriadol. Caiff y rhain eu pennu yn ôl disgresiwn Cyfarwyddwr y Rhaglen TAR yng Nghymru neu ei gynrychiolydd ac (yn achos Myfyrwyr cyflogedig) Pennaeth yr Ysgol Bartner sy'n Cymeradwyo (gweler [Atodiad A](#): amgylchiadau lle y gellir ystyried gohirio astudiaethau neu roi seibiant astudio i Fyfirwyr gwblhau eu rhaglen TAR a chyflawni'r cymhwyster).
- 8.2 Os bydd angen i chi roi'r gorau i astudio eich modiwl presennol cyn i chi gyflwyno a llwyddo yn yr Asesiad Diwedd Modiwl (EMA), bydd angen i chi gysylltu â'r Brifysgol Agored am gyngor. Byddwch yn ymwybodol nad oes sicrwydd y cewch ohirio eich astudiaeth TAR. Rhaid i chi drafod eich opsiynau gyda Chyfarwyddwr y Rhaglen TAR yng Nghymru neu ei gynrychiolydd ([Wales-PGCE@open.ac.uk](mailto:Wales-PGCE@open.ac.uk)). Gall yr opsiynau gynnwys cyflwyno eich EMA y tro nesaf (oedi) neu ailddechrau'r modiwl yn y cyflwyniad nesaf (gohirio). Caiff unrhyw oblygiadau o ran astudio a ffioedd eu trafod â chi. Dylid trafod unrhyw oblygiadau o ran cyflogaeth ar gyfer Myfyrwyr cyflogedig â'ch Ysgol Bartner sy'n Cymeradwyo.
- 8.3 Os caniateir i chi ohirio ac y bydd y dystiolaeth asesu ar gyfer y modiwl a ailddechreuwyd yn parhau'n ddigyfnewid, gallwch gario unrhyw sgorau aseiniadau (Aseiniadau a gaiff eu Marcio gan Diwtor (TMA) drosodd a thystiolaeth a gasglwyd yn flaenrol yn eich e-bortffolio. Gallai gohirio eich astudiaeth effeithio ar eich cyflogaeth.
- 8.4 Gellir ystyried ceisiadau i ohirio os na fyddwch wedi gallu astudio oherwydd rhesymau y tu hwnt i'ch rheolaeth (gweler [Atodiad A](#)). Mae amgylchiadau eraill lle y gellir caniatáu gohirio yn cynnwys y canlynol:

Rhif y fersiwn: 1.0	Cymeradwywyd gan: Cynrychiolydd y Cyfarwyddwr,
Yn weithredol o: 1 Awst 2024	Dyddiad adolygu: Mawrth 2025

- i) os byddwch wedi cael eich gwahardd dros dro o dan y [Weithdrefn Addasrwydd i Ymarfer](#) ac wedi cael eich derbyn yn ôl wedi hynny;
- ii) Yn achos Myfyrwyr cyflogedig, os byddwch yn colli eich cyflogaeth yn yr ysgol ac nad chi oedd ar fai, ac na all Y Brifysgol Agored ddod o hyd i ysgol arall ar unwaith a fydd yn eich helpu i gwblhau'r cymhwyster TAR (Cymru). Noder y bydd Y Brifysgol Agored yn gwneud pob ymdrech i ddod o hyd i ysgol arall i chi.

8.5 O dan rai amgylchiadau a thrwy gyfundeb â'r Brifysgol Agored a'ch Ysgol Bartner sy'n Cymeradwyo neu o dan y [Polisi Addasrwydd i Astudio](#), efallai y caniateir i chi gymryd **seibiant astudio** (gweler [Atodiad A](#)). Mae hyn yn golygu y byddech yn cymryd seibiant o astudio rhwng cwblhau a llwyddo ym modiwl Blwyddyn 1 a chyn dechrau modiwl Blwyddyn 2. Gall hyn effeithio ar eich gallu i gwblhau'r cymhwyster TAR. Er mwyn bod yn gymwys ar gyfer y cymhwyster TAR, mae'n rhaid i bob astudiaeth gael ei chwblhau o fewn pedair blynedd i ddyddiad dechrau modiwl Blwyddyn 1. Mae'n rhaid trafod y weithdrefn a'r rhesymau dros gymryd seibiant astudio o'r fath gyda Chyfarwyddwr y Rhaglen TAR yng Nghymru neu ei gynrychiolydd a Phennaeth eich Ysgol Bartner sy'n Cymeradwyo. Nid oes sicrwydd y byddech yn cael caniatâd i gymryd seibiant astudio.

8.6 Os na fydd yr astudiaeth wedi'i chwblhau o fewn pedair blynedd, ni fyddwch yn ennill y cymhwyster TAR nac argymhelliad ar gyfer SAC. Gallwch, yn amodol ar y [Rheoliadau Academaidd \(Cyrsiau a Addysgir\)](#), ddefnyddio unrhyw greddyddau rydych eisoes wedi'u cwblhau ar gyfer un o gymwysterau eraill Y Brifysgol Agored y byddwch yn cofrestru ar ei gyfer y tu allan i Raglen TAR.

---

## 9 Rhannu Gwybodaeth a Diogelu Data

- 9.1 Gall Y Brifysgol Agored, Cyngor y Gweithlu Addysg, Llywodraeth Cymru, y Consortia Rhanbarthol/Awdurdodau Lleol ac Ysgolion Partner rannu gwybodaeth angenrheidiol am eich iechyd, anabledd, perfformiad academaidd, ymddygiad, addasrwydd i ymarfer a safonau proffesiynol. Caiff gwybodaeth o'r fath ei chadw'n ddiogel a dim ond yn unol â [Hysbysiad Preifatrwydd Myfyrwyr](#) Y Brifysgol Agored y caiff ei phrosesu, a chaiff ei chyfyngu i'r sefydliadau hyn.
- 9.2 Gall gwybodaeth am eich iechyd ac unrhyw anabledd rydych wedi dweud wrthym amdano ei rhannu ag ysgolion yn unol â rhwymedigaethau cyfreithiol i ddarparu addasiadau rhesymol i gydymffurfio â rhwymedigaethau o dan Ddeddf

Rhif y fersiwn: 1.0	Cymeradwywyd gan: Cynrychiolydd y Cyfarwyddwr,
Yn weithredol o: 1 Awst 2024	Dyddiad adolygu: Mawrth 2025

Cydraddoldeb 2010 yng Nghymru, Lloegr a'r Alban; Rheoliadau Addysg (Safonau Iechyd) (Cymru) 2004 neu unrhyw ddyletswydd neu rwymedigaeth statudol.

Hefyd, gall data gael eu rhannu fel na fyddwch chi nac aelodau o'r cyhoedd yn wynebu risg wrth i chi gyflawni lleoliad.

- 9.3 Bydd Y Brifysgol Agored yn rhoi gwybod i'ch cyflogwr ar Gam 2 y Polisi Addasrwydd i Astudio os bydd hyn yn berthnasol i chi. Cyfeiriwch at y [Polisi Addasrwydd i Astudio](#) am ragor o fanylion.
- 9.4 Gweler [Hysbysiad Preifatrwydd Myfyrwyr](#) Y Brifysgol Agored i gael gwybodaeth lawn am sut rydym yn casglu ac yn defnyddio eich data.

---

## 10 Crynodeb o newidiadau pwysig ers y fersiwn ddiwethaf

Bu sawl newid pwysig ers y fersiwn flaenorol o'r polisi hwn, sef:

- a) Mae'r term Ysgol Gyswllt wedi cael ei newid i Ysgol Bartner drwyddi draw.
- b) Mae'r term Ysgol Gyflogi wedi cael ei newid i Ysgol Bartner sy'n Cymeradwyo drwyddi draw.
- c) Mae Ysgol Bartner ac Ysgol Bartner sy'n Cymeradwyo wedi'u diffinio yn y rhestr termau.
- d) Mae Tabl 1 wedi'i ddiwygio er mwyn dangos yr eithriadau i'r Amodau Cofrestru ar gyfer Llwybr Cyflogedig a Llwybr Rhan Amser y cymhwyster TAR mewn un golofn.
- e) Mae geiriad Cymal 2.3 wedi'i ddiwygio er mwyn sicrhau eglurder heb newid y neges.
- f) Mae Cymalau 4.5 a 6.6i wedi'u diwygio i egluro bod y cymhwyster TAR, er mai cymhwyster i raddedigion ydyw, wedi'i ddylunio fel cymhwyster i fyfyrwyr israddedig at ddibenion ariannu.
- g) Mae'r ddolen yng Nghymal 5.2 wedi'i diweddarau i [Bolisi Meini Prawf a Dad-ddethol](#) Partneriaeth Addysg Gychwynnol i Athrawon Y Brifysgol Agored. Mae fersiwn Saesneg o'r [Polisi Meini Prawf a Dad-ddethol](#) ar gael hefyd.
- h) Mae Cymal 6.1 wedi'i ddiwygio i'w gwneud yn glir mai diwrnodau calendr sydd dan sylw.
- i) Mae'r adran "Cytundebau Atodol a ddisodlir gan y ddogfen hon" wedi'i symud o ddechrau'r ddogfen hon i'r diwedd.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr,
Yn weithredol o: 1 Awst 2024	Dyddiad adolygu: Mawrth 2025



## Cytundebau Atodol a ddisodlir gan y ddogfen hon

Mae'r ddogfen hon yn disodli'r fersiwn flaenorol o Gytundeb Atodol Amodau Cofrestru (TAR) 2023/24.

Mae'r ddogfen hon yn Gytundeb Atodol i'r prif [Amodau Cofrestru](#). Rhoddir blaenoriaeth i'r telerau ac amodau yn y Cytundeb Atodol hwn dros yr Amodau Cofrestru lle maent yn wahanol.

## Rhestr Termiau

### Ysgol Bartner

Ysgol lle bydd Myfyrwyr TAR rhan amser yn ymgymryd â chyfnodau ymarfer dysgu. Gall Ysgolion Partner gymeradwyo athro dan hyfforddiant a gyflogir yn eu hysgol sy'n dilyn y rhaglen TAR. Caiff athrawon dan hyfforddiant eu cyflogi ar gyfradd athro heb gymhwyso a bennir gan y strwythur cyflog cenedlaethol i athrawon yng Nghymru. Maent yn ffurfio rhan o Bartneriaeth Addysg Gychwynnol i Athrawon Y Brifysgol Agored.

### Cod Ymddygiad ac Ymarfer

Mae hwn yn cynnwys y safonau ymarfer ac ymddygiad proffesiynol ar gyfer athrawon, a gyhoeddwyd gan yr Awdurdod Rheoleiddio: [Cod Ymddygiad ac Ymarfer Proffesiynol Cyngor y Gweithlu Addysg](#).

### Cyflwyno cymhwyster

Y pwynt lle y dyfemir eich cymhwyster i chi yn ffurfiol drwy brosesau dyfarnu'r Brifysgol Agored.

### Tiwtor Cwricwlwm

Cyswllt allweddol athrawon dan hyfforddiant â'r Brifysgol Agored yng Nghymru.

### Gohirio eich astudiaethau neu Gymryd Seibiant Astudio

Gohirio: O dan rai amgylchiadau (fel y'u nodir yn [Atodiad A](#)), efallai y byddwch yn penderfynu bod angen i chi roi'r gorau i astudio cyn i chi gyflwyno'r Asesiad Diwedd Modiwl (EMA) ar gyfer modiwl. Byddai angen i chi wneud cais i ohirio a thrafod eich opsiynau gyda Chyfarwyddwr y Rhaglen TAR yng Nghymru neu ei gynrychiolydd ([Wales-PGCE@open.ac.uk](#)). Pe bai'r cais yn cael ei gymeradwyo, byddech yn cael caniatâd i roi'r

Rhif y fersiwn: 1.0	Cymeradwywyd gan: Cynrychiolydd y Cyfarwyddwr,
Yn weithredol o: 1 Awst 2024	Dyddiad adolygu: Mawrth 2025

gorau i astudio'r modiwl rydych wedi cofrestru arno ar hyn o bryd ac ailddechrau'r modiwl yn ei gyflwyniad nesaf. Nid oes sicrwydd y cewch ohirio'r cymhwyster TAR.

Cymryd seibiant astudio: o dan rai amgylchiadau (fel y'u nodir yn [Atodiad A](#)) neu o dan y [Polisi Addasrwydd i Astudio](#), ac mewn cytundeb â'r Brifysgol Agored a'ch Ysgol Bartner sy'n Cymeradwyo, efallai y caniateir i chi gymryd seibiant astudio rhwng modiwlau. Mae hyn yn golygu y byddech yn cymryd seibiant o astudio rhwng cwblhau Modiwl Blwyddyn 1 a chyn dechrau Modiwl Blwyddyn 2. Gall cymryd seibiant astudio effeithio ar eich gallu i gwblhau'r cymhwyster TAR.

## **E-Bortffolio**

Mae hwn yn cynnwys tystiolaeth a gyflwynwyd gan y Myfyriwr ar ddiwedd pob modiwl, i ddangos ei gynnydd tuag at gyflawni deilliannau'r cymhwyster TAR.

## **Ysgol Bartner sy'n Cymeradwyo**

Ysgol sy'n cyflogi athro dan hyfforddiant sy'n dilyn y rhaglen TAR. Caiff athrawon dan hyfforddiant eu cyflogi ar gyfradd athro heb gymhwyso a bennir gan y strwythur cyflog cenedlaethol i athrawon yng Nghymru.

## **Ysgol Arweiniol**

Ysgol sy'n aelod arweiniol o Bartneriaeth Addysg Gychwynnol i Athrawon Y Brifysgol Agored. Mae gan yr ysgolion hyn lais strategol wrth reoli'r bartneriaeth a phennu ei chyfeiriad.

## **Mentor**

Y prif gyswllt yn eich ysgol sy'n eich helpu i gwblhau eich astudiaethau TAR.

## **Modiwl**

Cyfes o unedau astudio; mae'r cymhwyster TAR yn cynnwys dau fodiwl. Mae'n rhaid i Fyfyriwr gwblhau'r asesiadau academaidd a bodloni'r gofynion ymarfer dysgu yn llwyddiannus ar gyfer pob modiwl er mwyn llwyddo.

## **Llwybr Rhan Amser**

Y llwybr drwy'r cymhwyster TAR yng Nghymru a hunanariennir gan fyfyrwyr. Gall Myfyrwyr wneud cais am fenthyciad myfyrwyr a grantiau cynhaliadaeth rhan amser. Mae'r llwybr hwn yn cynnig rhywfaint o hyblygrwydd oherwydd gallant gael profiad addysgu ymarferol rhan amser mewn ysgol ochr yn ochr â'u hymrwymadau presennol.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr,
Yn weithredol o: 1 Awst 2024	Dyddiad adolygu: Mawrth 2025

## Cyfnodau Ymarfer Dysgu

Amser profiad addysgu TAR dynodedig.

## Ymarfer dysgu/dysgu seiliedig ar ymarfer

Y term cyffredinol ar gyfer profiadau dysgu sydd wedi'u lleoli mewn amgylchedd ymarfer.

## Tiwtor Ymarfer

Tiwtor Addysg Gychwynnol i Athrawon profiadol o ysgol arall sy'n monitro eich cynnydd ar y cymhwyster TAR.

## Y Gofrestr Ymarferwyr Addysg yng Nghymru

Cofrestr o athrawon a staff cymorth ysgol ac addysg bellach, gweithwyr ieuencid ac ymarferwyr dysgu seiliedig ar waith yng Nghymru. Mae rhwymedigaeth gyfreithiol ar gyflogwyr i sicrhau bod eu cyflogeion wedi'u cofrestru â Chyngor y Gweithlu Addysg cyn iddynt ddechrau gweithio. Mae hyn yn berthnasol i gyflogeion sy'n gweithio ar sail llawn amser, rhan amser (gan gynnwys fesul awr) neu gyflenwi.

## Consortia Rhanbarthol / Awdurdodau Lleol

At ei gilydd, cefnogir y Consortia Rhanbarthol ac Awdurdodau Lleol gan Lywodraeth Cymru i wneud y canlynol:

- helpu'r rheini sy'n addysgu plant a phobl ifanc,
- cefnogi ysgolion ac awdurdodau lleol yn eu hymdrechion,
- gwella canlyniadau dysgu ar gyfer pob person ifanc,
- sicrhau y darperir addysg a dysgu o ansawdd uchel,
- cefnogi a grymuso arweinwyr ysgol i arwain eu hysgolion yn well.

Yn benodol, mae'r Consortia Rhanbarthol ac Awdurdodau Lleol yn aelodau allweddol o Bartneriaeth Addysg Gychwynnol i Athrawon Y Brifysgol Agored sy'n cefnogi'r gwaith o gyflwyno rhaglen TAR Cymru drwy:

- ddarparu cysylltiadau cynhyrchiol o ansawdd uchel ag ysgolion ledled Cymru
- cyfrannu at Bwyllgor Partneriaeth Addysg Gychwynnol i Athrawon Y Brifysgol Agored er mwyn chwarae rôl strategol a gweithredol ar y cyd â'r Brifysgol Agored.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr,
Yn weithredol o: 1 Awst 2024	Dyddiad adolygu: Mawrth 2025

## Llwybrau'r cymhwyster TAR

Mae dau lwybr i ennill y cymhwyster hwn. mae'r Llwybr Cyflogedig a'r Llwybr Rhan Amser (y ddau yn cynnwys dau fodiwl, y mae'r modiwl cyntaf yn 60 credyd ar Lefel 6 (israddedig) a'r ail fodiwl yn 60 credyd ar Lefel 7 (ôl-raddedig).

## Llwybr Cyflogedig

Myfyrwyr a gyflogir gan ysgol wladol fel cynorthwydd addysgu, neu mewn rôl nad yw'n rôl addysgu, a all wneud cais i'w hysgol eu cymeradwyo. Mae Myfyrwyr sy'n dilyn y llwybr hwn yn gweithio yn yr ysgol yn llawn amser a rhaid i'w cais gael ei gymeradwyo gan eu hysgol (a fydd yn talu eu cyflog). Caiff eu costau astudio eu hariannu gan Lywodraeth Cymru. Gall Myfyrwyr nad ydynt yn gweithio mewn ysgol wladol ar hyn o bryd wneud cais i ddilyn y Llwybr Cyflogedig ond bydd angen iddynt gael eu cymeradwyo gan ysgol wladol.

## Cydlynnydd Ysgol

Uwch-aelod o staff ysgol, a ddarperir gan ysgolion.

## Ail Ysgol

Yr ail ysgol y caiff Myfyrwyr cyflogedig eu lleoli ynddi i gwblhau eu hymarfer dysgu.

## Recriwtio a Chymorth Myfyrwyr

Tîm Y Brifysgol Agored yng Nghymru sy'n delio ag ymholiadau am gofrestrïadau ac sy'n rhoi cymorth ychwanegol bugeiliol, cyffredinol ac arbenigol (e.e. cymorth anabledd) i Fyfyrwyr yn ystod eu hastudiaethau.

## Fframwaith Cymorth i Fyfyrwyr

Y Fframwaith Cymorth i Fyfyrwyr yw'r dull a ddefnyddir i roi cymorth ychwanegol i athro dan hyfforddiant yn ystod y rhaglen TAR. Mae wedi'i ddylunio i gefnogi athrawon dan hyfforddiant:

- A all gael budd o gyfnod o waith â ffocws penodol i unioni un neu fwy o feysydd eu hymarfer sy'n peri trafferth iddynt
- Y gellid cefnogi eu llesiant neu eu gwydnwch
- Sydd â'r potensial i ragori ar lefelau presennol eu cynnydd ac y mae angen cymorth arnynt i wneud hynny

Rhif y fersiwn: 1.0	Cymeradwywyd gan: Cynrychiolydd y Cyfarwyddwr,
Yn weithredol o: 1 Awst 2024	Dyddiad adolygu: Mawrth 2025

## Ni/Ein

Mae hyn yn cyfeirio at Y Brifysgol Agored.

## Chi

Yn cyfeirio atoch chi fel y Myfyriwr.

## Eglurhad pellach

Anfonwch unrhyw wybodaeth neu ohebiaeth arall atom yn electronig er mwyn i ni allu ymateb i chi cyn gynted â phosibl. Gallwch hefyd gysylltu â ni dros y ffôn neu drwy'r post. Er mwyn cadarnhau'r cyfeiriad post diweddaraf a manylion cyswllt eraill, gweler [Swyddfeydd Y Brifysgol Agored](#).

I gael canllawiau penodol ar sut y gall y cytundeb hwn fod yn berthnasol i'ch amgylchiadau personol chi, cysylltwch â thîm TAR yn [Wales-PGCE@open.ac.uk](mailto:Wales-PGCE@open.ac.uk)

## Y Brifysgol Agored yng Nghymru

Os ydych yn preswyllo yng Nghymru, gallwch siarad â chynghorydd cymorth myfyrwyr yn Gymraeg neu yn Saesneg.

18 Stryd y Tollty

Caerdydd

CF10 1AP

Ffôn +44 (0)29 2047 1170

E-bost [wales-support@open.ac.uk](mailto:wales-support@open.ac.uk)

## I siaradwyr Cymraeg

Os ydych yn siarad Cymraeg a byddai'n well gennych drafod eich anghenion drwy gyfrwng y Gymraeg, cysylltwch â'r Brifysgol Agored yng Nghymru yng Nghaerdydd.

Ffôn +44 (0)29 2047 1170

e-bost [wales-support@open.ac.uk](mailto:wales-support@open.ac.uk)

## Adborth

Croesewir sylwadau ac adborth am y polisi hwn a sut y gellid ei wella. Dylech gyflwyno'r rhain i [SPR-Policy-Team@open.ac.uk](mailto:SPR-Policy-Team@open.ac.uk).

Rhif y fersiwn: 1.0	Cymeradwywyd gan: Cynrychiolydd y Cyfarwyddwr,
Yn weithredol o: 1 Awst 2024	Dyddiad adolygu: Mawrth 2025

# Atodiad A

**Tabl 2: Amgylchiadau lle y gellir ystyried caniatâu i Fyfyrrwyr ohirio neu gymryd seibiant astudio i gwblhau rhaglen TAR (Cymru) ac ennill y cymhwyster.**

Maen prawf	Amodau a nodiadau	Enghreifftiau o fathau o dystiolaeth ategol sydd ei hangen
1. Marwolaeth aelod agos o'r teulu, partner neu ddibynnydd.	Diffinnir aelod agos o'r teulu fel rhywun roeddech yn dibynnu arno (yn emosiynol neu'n ariannol) neu a oedd yn ddibynnol arnoch chi.	Copi caled neu hysbysiad e-bost ac yna dystiolaeth ddogfennol.  Copi ardystiedig o dystysgrif marwolaeth (gellir gwneud eithriad os digwyddodd y farwolaeth o fewn chwe wythnos cyn gwneud cais).
2. Analluogrwydd annisgwyl am gyfnod estynedig ar eich rhan chi neu ar ran aelod agos o'r teulu o ganlyniad i salwch difrifol, damwain neu gyflwr meddygol.	Os oeddech yn ymwybodol o'r problemau meddygol cyn dyddiad dechrau'r modiwl, mae'n rhaid bod y cyflwr wedi gwaethygu neu ddirywio ers hynny, h.y. ni ellid bod wedi rhagweld ar ddechrau'r modiwl y byddai'r salwch neu'r cyflwr wedi cael effaith andwyol ar eich astudiaethau.	Copi caled neu hysbysiad e-bost ac yna dystiolaeth ddogfennol.  Tystysgrif, llythyr neu ddatganiad meddygol gan feddyg teulu neu feddyg ymgynghorol yn cadarnhau'r sefyllfa. (Mae'n rhaid bod cyfnod y salwch wedi effeithio ar amseru'r penderfyniad i dynnu'n ôl).

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academaidd
Yn weithredol o: 1 Awst 2024	Dyddiad adolygu: Mawrth 2025

<p>3. Anabledd</p>	<p>Nid yw'r addasiadau rhesymol a wnaed gan Y Brifysgol Agored i gydymffurfio â rhwymedigaethau o dan Ddeddf Cydraddoldeb 2010 neu unrhyw ddyletswydd neu rwymedigaeth statudol arall, wedi eich galluogi i astudio'n effeithiol; neu</p> <p>Mae effaith anabledd ar eich astudiaethau wedi bod yn fwy difrifol na'r disgwyl; neu</p> <p>Mae eich anabledd(au) wedi cael effaith gynyddol ar eich astudiaethau ers dyddiad dechrau'r modiwl.</p>	<p>Tystysgrif, llythyr neu ddatganiad meddygol gan feddyg teulu, meddyg ymgynghorol, cynorthwydd anfeddygol neu berson neu sefydliad cymorth yn cadarnhau'r sefyllfa.</p> <p>Tystiolaeth ategol o gofnodion y Brifysgol e.e. tiwtor neu Dîm Recriwtio a Chymorth Myfyrwyr Y Brifysgol Agored yng Nghymru.</p>
<p>4. Analluogrwydd annisgwyl am gyfnod estynedig ar eich rhan chi o ganlyniad i feichiogrwydd neu famolaeth/tadolaeth neu fenthg croth.</p>	<p>Os oeddech yn ymwybodol o'r beichiogrwydd cyn dyddiad dechrau'r modiwl, mae'n rhaid bod effaith y beichiogrwydd neu famolaeth/tadolaeth neu fenthg croth ar eich astudiaethau wedi bod yn fwy na'r hyn y gellid bod wedi'i ddisgwyl yn rhesymol.</p>	<p>Copi caled neu hysbysiad e-bost ac yna dystiolaeth ddogfennol.</p> <p>Tystysgrif, llythyr neu ddatganiad meddygol gan weithiwr iechyd proffesiynol, e.e. meddyg teulu, meddyg ymgynghorol neu fydwraig yn cadarnhau'r sefyllfa.</p>
<p>5. Analluogrwydd annisgwyl am gyfnod estynedig ar eich rhan chi o ganlyniad i fabwysiadu.</p>	<p>Os oeddech yn ymwybodol o'r mabwysiadu cyn dyddiad dechrau'r modiwl, mae'n rhaid bod effaith y broses fabwysiadu neu'r cyfrifoldebau gofalu ar eich astudiaethau wedi bod yn fwy na'r hyn y gellid bod wedi'i ddisgwyl yn rhesymol.</p>	<p>Tystiolaeth ategol e.e. adroddiad gan y gwasanaethau cymdeithasol, asiantaeth mabwysiadu neu dystysgrif, llythyr neu ddatganiad meddygol gan feddyg teulu neu feddyg ymgynghorol yn cadarnhau'r sefyllfa.</p>

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academaidd
Yn weithredol o: 1 Awst 2024	Dyddiad adolygu: Mawrth 2025

<p>6. Analluogrwydd annisgwyl am gyfnod estynedig ar eich rhan chi o ganlyniad i ailbennu rhywedd.</p>	<p>Os oeddech wedi bod drwy'r broses ailbennu rhywedd cyn dyddiad dechrau'r modiwl neu os oeddech yn ymwybodol erbyn hynny o'r trefniadau i wneud hynny ar ôl y dyddiad hwnnw, mae'n rhaid bod yr effaith ar eich astudiaethau wedi bod yn fwy na'r hyn y gellid bod wedi'i ddisgwyl yn rhesymol.</p>	<p>Copi caled neu hysbysiad e-bost ac yna dystiolaeth ddogfennol.</p> <p>Tystysgrif, llythyr neu ddatganiad meddygol gan feddyg teulu neu feddyg ymgynghorol yn cadarnhau'r sefyllfa.</p>
<p>7. Newid annisgwyl mewn amgylchiadau cyflogaeth sy'n golygu nad yw'n rhesymol bosibl i chi barhau i astudio oherwydd natur eithafol y gwaith, TG gwael neu ddiffyg cyfleusterau astudio.</p>	<p>Ni chaiff amgylchiadau a all ddisgwyl fel arfer wrth ymgymryd â'ch cyflogaeth llwybr cyflogedig fel newid tasgau, cynnydd yn y llwyth gwaith neu ofynion teithio rhesymol eu hystyried.</p>	<p>Copi caled neu hysbysiad e-bost ac yna dystiolaeth ddogfennol.</p> <p>e.e. llythyr neu e-bost gan eich Ysgol Bartner sy'n Cymeradwyo.</p>
<p>8. Camweinyddu ar ran Y Brifysgol Agored.</p>	<p>Camau gweithredu neu ddiffyg camau gweithredu y gellid eu hystyried yn gamweinyddu ar ran Y Brifysgol Agored ac sydd wedi effeithio ar eich cynnydd academaidd. Nid yw hyn yn cynnwys amgylchiadau sydd y tu hwnt i reolaeth Y Brifysgol Agored.</p>	<p>Unrhyw dystiolaeth berthnasol i gefnogi eich cais e.e. cofnod o gyswllt Myfyrwyr.</p>

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academaidd
Yn weithredol o: 1 Awst 2024	Dyddiad adolygu: Mawrth 2025



<p>9. Amgylchiadau eithriadol eraill o natur ddifrifol y tu hwnt i'ch rheolaeth.</p>	<p>Amgylchiadau y tu hwnt i'ch rheolaeth a wnaeth leihau'n sylweddol yr amser a oedd ar gael i chi astudio dros gyfnod parhaus.</p>	<p>Tystiolaeth ategol e.e., adroddiad gan y gwasanaethau brys, y gwasanaethau cymdeithasol, yr heddlu neu gwnselydd, neu ddogfennaeth yswiriant y cartref.</p>
<p>10. Newid annisgwyl mewn cyfrifoldebau gofalu.</p>	<p>Os oedd eich cyfrifoldebau gofalu ar waith cyn dyddiad dechrau'r modiwl, mae'n rhaid bod yr effaith ar eich astudiaethau wedi bod yn fwy na'r hyn y gellid bod wedi'i ddisgwyl yn rhesymol.</p>	<p>Copi caled neu hysbysiad e-bost ac yna dystiolaeth ddogfennol.  e.e. Llythyr neu ddatganiad meddygol gan feddyg teulu, meddyg ymgynghorol, cynorthwydd anfeddygol neu berson neu sefydliad cymorth yn cadarnhau'r sefyllfa.</p>

<p>Rhif y fersiwn: 1.0</p>	<p>Cymeradwywyd gan: Cynrychiolydd y Cyfarwyddwr, Gwasanaethau Academaidd</p>
<p>Yn weithredol o: 1 Awst 2024</p>	<p>Dyddiad adolygu: Mawrth 2025</p>